

kúi-nā lín. Jiân-āu siak ùi lō-á-pi<sup>n</sup> ê chú-i-kau-á té lóh--khì, kui sin-khu kō kàu chōan nōa-thō, m̄-nā kia<sup>n</sup> iū-koh thià<sup>n</sup>, beh háu mā háu bōe chhut--lái.

Tng-khí chhù, góan a-pah kiám-cha siong-hùn. Tī tō-chhài ê nng-pêng pi<sup>n</sup> tã-iok lí sa<sup>n</sup>-chhùn ê só-chhài, ũ chit-chōa tã-iok nng-chhùn-pò<sup>n</sup> o-tò-âng ê gēng-hoeh. Góan a-pah kóng, “Hó-ka-chài chit-chiah gū-káng-á tú-á chit-hòe-gōa, gū-kak té koh bō chiam, nā-bō lí chit-tiâu miā chiū bō--khì--loh”.

## Sūn-hók

--Tân Pò-chhun Bók-su ê Káng-tō Phi<sup>n</sup>



*Ko Eng-lâm*

Tī Sèng-keng lâi-bīn kóng-tiòh kiàn-lip hēng-hok ê ka-tēng, chit-ê siōng pó-kùi ê tō-lí chiū-sī tiōng-hu tiòh thià<sup>n</sup> hū-jîn-lâng, hū-jîn-lâng tiòh ài sūn-hók ka-kī ê tiōng-hu. Ū chit-ūi khì-giap jîn-sū tit-tiòh chheng-liân chhòng-giap khái-bō, Chóng-thóng tiâu-kiàn, Hēng-chèng Ī<sup>n</sup>-tiú<sup>n</sup> pan-chióng. Tián-lé tiong, mā ũ pan-hoat hū-chhiú-chióng hō chiah-ê khái-bō ê hū-jîn-lâng, tit-tiòh chióng-lē ê hū-jîn-lâng lóng chin iu-siù. Hū-chhiú ê ì-sù sī hū-chō tiōng-hu ê chhiú, sūn-hók tiōng-hu ê ì-sù lâi hū-kōan, hū-kē, m̄-sī chí-hui i ê tiōng-hu. Góa teh siū<sup>n</sup> chái<sup>n</sup>-iū<sup>n</sup> sūn-hók chit-ê bün-tê, tī chit-ê lâm-lú pēng-téng ê sī-tāi, kiò hū-jîn-lâng tiòh ài sam-chiōng sù-tek, bō chin iōng-Ī<sup>n</sup>, tū-hui i ũ sit-chhài bēng-pék sūn-hók ê ì-gī.

Góa jīn-ūi sūn-hók ũ pau-hâm ē-bīn kúi-hāng:

1. **Chiap-láp:** Ū chit-tùi ang-á-bó, in sī lôan-ài kiat-hun..ê. Kiat-hun chin-chēng, in ũ hō-siōng liáu-kái, thài-thài chai-ía<sup>n</sup> i ê ang

chin ài khòa<sup>n</sup> pāng-kiū pí-sài, in ê iok-hōe siōng-siōng sī tī pāng-kiū-tiū<sup>n</sup>. Chóng-sī kiat-hun liáu-āu, thài-thài kám-kak chàn bōe-tiâu, in-ūi i ê tiōng-hu tùi pāng-kiū pí-sài í-keng sī cháu-hóe jip-mô, ka-jip Chhiū<sup>n</sup>-tūi kiū-bê khū-lók-pō. Bō-lūn Chhiū<sup>n</sup>-tūi tī sím-mih só-chhài pí-sài, i lóng siū<sup>n</sup> chīn pān-hoat khì phāng-tiū<sup>n</sup>. Tiān-sī nā-sī ũ chōan-pò pāng-kiū pí-sài, i it-tēng liām tī tiān-sī-ki ê thau-chēng, bō-mê-bō-jit. I ê thài-thài án-chóa<sup>n</sup> kā i cháp-liām, bāi-òan, i lóng m̄-kóan. I ê thài-thài ũ hā chit-ê koat-sim, chiū-sī beh chiong i ê tiōng-hu ê mô-pē<sup>n</sup> lóng-chóng kái-tiâu, hō i ê tiōng-hu ē-tit-thang chiā<sup>n</sup>-chò chit-ê sip-chōan sip-bí ê lāng. I chiū chiàu gí-tiā<sup>n</sup> ê kè-ōe

chin-hēng. Tē 1, liat-chhut tiōng-hu ê khoat-tiám, “Khòa<sup>n</sup> tiān-sī sng bák-chiu, bō-khùn sng sin-thé.” Chit liáh-tiòh ki-hōe chiū kā i soat-kàu, kiat-kó lóng bō-hāu. Tē 2, chōan-ī i ê chū-ì-lék, phì-jū tī i teh khòa<sup>n</sup> tiān-sī ê sī, kiò i chiáh-png, á-sī kiò i khì chò sím-mih tã-chì. Thong-siōng lóng-sī bō tōng-chēng. Ū chit-pái khòa<sup>n</sup> i bák-chiu kheh-kheh, siū<sup>n</sup> kóng i khùn--khì--lah! Chiū kā tiān-sī chōan pát-tái, bō àn-sng, i ê tiōng-hu sūi cheng-sin chia--khí--lái, chin siū-khì tōa-sia<sup>n</sup> jiáng, “Chhòng-sím-mih?” Tē 3, iōng kī-tha ê hong-hoat lâi éng-hióng--i, khian-chè--i. Chhin-chhiū<sup>n</sup> tī ũ pāng-kiū pí-sài ê jít-chí, an-pai chit-kóa òah-tāng hō i chham-ka, kiat-kó sī pōe-phōa<sup>n</sup> i chham-ka ê lāng chham-ka kah put-chí kan-khó. Tiōng-hu nā-sī ē-tit-thang chiàu lán ê ì-sù lâi kái-piàn, tong-jian sī chin hó. Chóng-sī i nā m̄-khéng ê sī, beh chái<sup>n</sup>-iū<sup>n</sup>? Góa siū<sup>n</sup> chí ũ nng-ê khó-lēng, chit-ê sī kè-siòk kā i kiōng-pek, kè-siòk kòe-tiòh hit-chióng chhi-chhám-lók-phek ê jít-chí. Koh-chài chit-ê chiū-sī chiap-láp i ê

hêng-ûi. Ōa<sup>n</sup>-ōe lâi kóng, chiū-sī sūn-hók tiōng-hu ê ì-sù, bô koh-chài kā i chấp-liām. Chí ũ án-ni sūn-hók, ka-têng chia h bōe siōng-siōng oan-ke bô khòai-lók. Ūi sím-mih tiòh ài án-ni sūn-hók? Ū kúi-ê lí-iū. Tē 1, tiōng-hu ê hit-ê lâu-mô-pē<sup>n</sup> pēng m̄-sī sím-mih tōa chōe-kò, i siū<sup>n</sup>, i èng-kai ũ hiáng-siū pāng-kiū pí-sài ê kōan-lī. Ōa<sup>n</sup> chit-ê kak-tō lâi siū<sup>n</sup>, tī chhù-lāi khòa<sup>n</sup> tiān-sī chóng-pí chhut-khì gōa-kháu phā<sup>n</sup>, hòng-tōng khah hó. Tē 2, ũ chin chē put-hēng ê hun-in, lóng-sī in-ūi beh khi kái-piàn hiah-ê bô khó-lêng kái-piàn ê tãi-chì chō-sēng..ê. Tē 3, tng lí iōng sūn-hók ê sim chiap-láp tui-hong ê sip-kòan ê sī, lí ē hoat-hiān ũ chin kī-biāu ê tãi-chì hoat-seng. Chhin-chhiū<sup>n</sup> ũ chit-ê ka-têng, tiōng-hu chin ài lim-chiú, thài-thài siōng-siōng kā i chấp-liām, tiōng-hu kóng, “Lí jú liām, góa jú beh lim.” Thài-thài bô kā liām, bô àn-sng, chit-ūi tiōng-hu ka-kī kái-chiú, tiōng-hu ài lāng sūn-hók i, bô-ài lāng kā chí-hui.

**2. Gióng-bōng:** Hu-hū tiòh ài hō-siōng chun-tiōng, iū-kī sī hū-jîn-lāng tui tiōng-hu tū liáu chun-tiōng í-gōa, koh ài ũ gióng-bōng ê sim, chiū-sī ũ kā i khòa<sup>n</sup>-tiōng. Ài hō lāng khòa<sup>n</sup>-tiōng, che sī lāng ê pún-sèng. Lán nā khòa<sup>n</sup> lāng ê siōng-phō, siōng-thâu-chēng lóng-sī tah i pún-lāng kám-kak siōng súi, siōng ian-tâu ê siōng-phì<sup>n</sup>. Kap Chóng-thóng á-sī tó-chit-ūi gâu-lāng chò-hóe hip ê hit tui<sup>n</sup> siōng-phì<sup>n</sup>, hék-sī teh niá chióng-chng ê sī só hip ê siōng-phì<sup>n</sup> mā òe tah tī siōng thâu-chēng. Án-ni sī beh hō lāng chai, lán sī put-chí gâu, thang hō lāng kā lán o-ló, hō lāng kái-piàn tui lán ê khòa<sup>n</sup>-hoat. Lán lóng chin ài hō lāng kā lán khòa<sup>n</sup>-tiōng, iū-kī sī ài hō lán ê tiōng-hu, lán ê hū-jîn-lāng kā lán khòa<sup>n</sup>-tiōng. Ū lāng án-ni kóng, siat-sú lí nā ták-kang lóng kā lí ê tiōng-hu (hū-jîn-lāng) kóng chit-kù o-ló ê òe, liān-sòa chit-nī kú,

it-tēng ē-tit-thang hō lí ê tiōng-hu, hū-jîn-lāng piàn-chiā<sup>n</sup> siā-hōe bēng-liū! Khó-kiàn, kó-lē ê lèk-liōng sī hō-téng tōa. Kó-lē lán ê hū-jîn-lāng, o-ló lán ê tiōng-hu, o-ló lán ê chhù-pi<sup>n</sup> keh-piah kap siōng-siōng kī<sup>n</sup>-bīn ê lāng, che sī chin ũ lī-ek ê tãi-chì. Iū-kī sī hu-hū kēng-ka ài kóng kó-lē ê òe, kóng o-ló ê òe.

Ūi sím-mih thài-thài ē m̄ ài kā tiōng-hu kóng o-ló ê òe leh? Góa siū<sup>n</sup> thong-siōng thài-thài ũ sa<sup>n</sup>-chióng ê sim-lí. Tē 1, in-ūi góa chin bô-ēng, ũ chin chē tãi-chì tiòh ài chò, tiòh ài chham-ka Lé-pài, ka-tiū<sup>n</sup>-hōe, cha-keng-pan, hū-lú-hōe, chú-chiāh gián-sip-pan, chham-ka khā-lá-ó-khe ê chhiū<sup>n</sup>-koa pí-sài, tng-lāi kàu chhù í-keng chin thiám, beh ná ē koh ũ cheng-sin khi kā lāng o-ló. Tē 2, sī-m̄-sī teh ài-kóng-chhiò, góa m̄-sī tiòh ài siōng-pan, iū-gōan teh thàn-chī<sup>n</sup>, ũi sím-mih i bô tãi-seng kā góa kó-lē o-ló. Tē 3, beh o-ló sím-mih? Ū ê thài-thài kám-kak i ê tiōng-hu tui thâu-khak kàu kha, lóng bô ũ chit-tiám-á thang o-ló ê só-chāi. Tui án-ni chai, thài-thài ũ siū úi-khut ê kám-kak, iū-gōan tiòh ài hák-sip ē-hiáu khòa<sup>n</sup>-tiōng, o-ló, kap khòai-lók ê pì-koat.

Sòa-chiap lán kè-siòk lâi su-khó beh chái<sup>n</sup>-iū<sup>n</sup> iōng kó-lē o-ló, hō lán ê tiōng-hu, hū-jîn-lāng koh khah sēng-kong leh? Góa siū<sup>n</sup>, siōng tiōng-iàu..ê chiū-sī lán ê o-ló tiòh ài chhut chū sēng-sit ê sim. Sēng-sit ê o-ló ē hō lāng tit-tiòh khéng-tēng ê sìn-sim. Ū chit-ūi lú-sū, sui-bóng i ê ang-sài se<sup>n</sup> liáu m̄-sī chin ian-tâu, chóng-sī i it-tit cháu-chhōe ē-tàng o-ló ê só-chāi. Chiām-chiām i hoat-hiān tiòh i ê ang-sài sit-chāi ũ chin chē khó-chhú ê só-chāi, hō i ná lâi ná kám-kak i ê ang-sài chin ian-tâu, chin phiau-phiat.

Koh-chài lâi chiū-sī o-ló i ê sin-khu. Ū chit-ê kiap-hun kan-ta<sup>n</sup> 2 nī ê hū-jîn-lāng,

kòe-khì lóng phì-siù<sup>n</sup> i ê tiōng-hu, kóng i ê tiōng-hu “Phôe pau kut, khòa<sup>n</sup>-tiòh ē thò, chhùi put-sī tō lóng kā chit-ki hun, liām tī í-á téng khòa<sup>n</sup> tiān-sī.” Bô-lūn chit-ūi hū-jîn-lâng án-chóa<sup>n</sup> chấp-liām phì-siù<sup>n</sup>, i ê tiōng-hu chiū-sī bô leh kā i sìn-táu. Āu--lâi chit-ūi hū-jîn-lâng kóe-ōa<sup>n</sup> hong-hoat, iōng o-ló..ê, kóng i ê tiōng-hu sī “Thih-kut-á se”, kian-kò koh nāi-iōng.” I ê tiōng-hu chin kah-ì thia<sup>n</sup>, chin chē phái<sup>n</sup> sip-kòan chiū án-ni lóng kái-tiâu lah!

Lēng-gōa koh chit-tiám, chiū-sī ài chai-ia<sup>n</sup> beh him-sióng i ê sēng-chiū. Him-sióng ê gōan-cheh m̄-sī kan-ta hān-tiā<sup>n</sup> tui tiōng-hu nā-tiā<sup>n</sup>. Tui thài-thài, tui gín-á, tui jīm-hô chit-ê lāng, lóng-sī chin ū kong-hāu..ê. Ū chit-ê kha-kiū-tui ê kàu-liān, ki-sút chin-chià<sup>n</sup> hó, tian-sī khi hō lāng sī thâu-lō. In-ūi kiū-tui ê kiū-gōan lóng teh hóan-èng, kóng i phoe-phēng liáu siu<sup>n</sup> kín, o-ló liáu siu<sup>n</sup>-bān. “O-ló khah kín, phoe-phēng khah bān” chia<sup>n</sup> ē tit-tiòh lāng ê hó-kám, che-sī chò-lāng chin iàu-kín ê gōan-cheh.

Ū chit-ê chò pāng-tē-sán ê lāng, beh kā chit-ê tōa tē-chú bé thó-tē. Tē-chú kóng i chin bô-ēng, kan-ta ū 1 hun-cheng ê sī-kan ē-ēng-tit poah hō i. Sī-kan chin té, chin pó-kui. Chit-ūi chò pāng-tē-sán..ê iā chò liáu chin chhiong-hun ê chún-pī. Tng i chiàu iok-sok ê sī-kan khi kì<sup>n</sup> tē-chú ê sī, khòa<sup>n</sup>-tiòh chit-chiah kō-âng ê phiau-pún hē tī toh-thâu, it-tēng sī i siōng ì-ài ê mih-kiā<sup>n</sup>. I thâu chit-kù chiū-sī o-ló hit-chiah kō-âng. Hit ê tē-chú sim-chēng hoa<sup>n</sup>-hí, kēng-jiân kap i kóng 1 tiám-cheng ê òe, kóng i phah-láh ê lèk-sú, kap cháí<sup>n</sup>-iū<sup>n</sup> phah-tiòh chit-chiah kō-âng. Tong-jiân lah, seng-lí mā chò-sēng. Tui án-ni chai, o-ló chit-ê gōan-cheh m̄-nā tī ka-tēng lāi-bīn chin ū kong-hāu, chò jīm-hô ê tã-chì lóng-sī chin hó ê kau-thong khi-khū.

**3. Kám-siā:** Ū chit-ê kò-sū án-ni kóng, chit-ê tiān-ia<sup>n</sup> bēng-seng, Sēng-tān-chiat ê sī, sàng in tau ê lāng chit-lāng chit-tai chū-ka-iōng ê kiāu-á. Tān-sī tng chhù--nih ê lāng siu-tiòh lé-mih ê sī, lóng bô ū kám-siā ê sim; hóan-túg sī teh chek-pī kóng ná ē hiah-nih thó-chè. Tiān-ia<sup>n</sup> bēng-seng thia<sup>n</sup>-tiòh chia<sup>n</sup>-ê òe, kám-kak chin bô-nāi, óng-hùi i chit-phiàn ê hó-ì. Tui tī pát-lāng ê hó-ì, lán èng-kai tiòh ài ū kám-kek ê sim, m̄-thang siōng-siōng beh kā lāng keng-thé phì-siù<sup>n</sup>.

Chhin-chhiū<sup>n</sup> khi chhan-thia<sup>n</sup> hō lāng chhiá<sup>n</sup> chhe<sup>n</sup>-chhau, ū ê lāng chiū chin gâu phoe-phēng. Phoe-phēng chhài bô-hó, sió-chiá hók-bū chha, chòe-āu lian chú-lāng iā ū tã-chì, kóng chú-lāng bē-hiáu kēng chhan-thia<sup>n</sup>! Che sit-chai chin bô èng-kai, in-ūi chú-lāng í-keng chīn-lèk, hó-ì kā lí chhiá<sup>n</sup>, lí bô kā i soeh to-siā, hóan-túg hiām-tang hiām-sai, chin kòe-hūn! Ōa<sup>n</sup>-ōe lâi kóng, nā-sī lán ê tiōng-hu tui lán hó ê sī, lán bô kā i kám-siā bô tá<sup>n</sup>-kín, koh kā hiām che hiām he, chiū án-ni lán iā sī chin kòe-hūn. Só-í, lán tiòh ài chú-ì kui-hāng sū. Tē 1, m̄-thang bē kì-tit kám-siā tui-hong ê hó-ì. Chiū sng kóng lí tui hit-hāng lé-mih chin bô móa-ì, iā sī tiòh ài to-siā i ê hó-ì. Tē 2, sim-lāi siōng-siōng ū kám-siā ê ì-sù, m̄-sī kà lán ê gín-á án-chóa<sup>n</sup> khi chò, sī lán ka-kī chò hō in khòa<sup>n</sup>. Tē 3, phoe-phēng ē hō lāng ê sim léng-ki-ki, kám-kek ē hō lāng ê sim jiát-phut-phut. Ū lāng kóng, chò lāng siōng tōa ê phò-keh chiū-sī ài kā lāng phoe-phēng. Chin gâu kā lāng hiām ê lāng, ē sit-khi lāng tui i ê hó-kám, chòe-āu chia<sup>n</sup>-khui..ê iā sī ka-kī. Tē 4, kā lāng piáu-sī o-ló kám-siā ê sī, tiòh ài ū chin bēng-khak ê piáu-sī. Ū chit-ūi lú-sū kóng, “Góa hù-chhut chit thng-sí-á ê kám-siā, góa ê tiōng-hu hēng góa chit ka-lūn ê ài.” Ka-tēng hēng-hok ê ki-chhó chiū-sī

tiōng-hu ài hū-jîn-lâng, hū-jîn-lâng sūn-hòk tiōng-hu chit 2 hāng sū. Chóng-sī, kiat-hun ê gē-sút pēng m̄-sī 50% tùi 50% ê kau-ék, ū tang-sī ang-á-bó lóng tiòh ài hū chhut 50% í-siōng ê lô-lèk, chia̍h ē-tit-thang tit-tiòh bí-bóan ê hun-in. Sēng-kong ê lú-jîn lóng ū chit-khóan ê koan-liām. Bí-kok ê Chóng-thóng Hu-jîn *Hillary* chiū bat kong-khai piáu-sī, ang-bó siang hong-bīn lóng tiòh ài hū-chhut 70% í-siōng, chia̍h ē “Thô-chúi sai-hū boah-piah siang-bīn kng”, Tāi-ke chia̍h ē hô-hái móa-i. Eng-kok chēng-jīm ê Siú-siōng *Thatcher* Hu-jîn, tī pān-kong-sek sī Siú-siōng, tng-khì kàu chhù chiū chiá<sup>n</sup>-chò sūn-hòk tiōng-hu ê hū-jîn-lâng.

Chòe-āu beh sàng tāi-ke 2 kù òe. Tī lán ka-tēng ê seng-óah tiong-kan, nā-sī ē-tit-thang siōng-siōng kóng chit 2 kù òe, góa siong-sin ka-tēng ē hô-hái khòai-lòk. Tē 1 kù, “Chin to-siā”. tùi lóng piáu-sī to-siā sī chit-chióng lé-māu. M̄-thang siū<sup>n</sup> kóng ka-kī ê lóng bô iàu-kín lah, chiū bô-ài soeh to-siā. Kī-sit, kā tiōng-hu, thài-thài soeh to-siā, in ē chin hoa<sup>n</sup>-hí. Tē 2 kù, “Lí chò liáu chin hó”. Ták-ê lóng lóng mā ài hō lóng o-ló, bô ài hō lóng phoe-phēng. O-ló pát-lâng ê sēng-chiū, kóng “Lí chò liáu chin hó” chit-chióng kó-lē ê òe, ē hō tui-hong chin hoa<sup>n</sup>-hí. Siāng-sī iā chhiá<sup>n</sup> tāi-ke tng-khì o-ló lí ê tiōng-hu, thài-thài kap chhù--nih ê lóng. An-ne, lín chóat-tùi ē kám-kak ka-tēng chin hēng-hok, seng-óah chiok khòai-lòk!

#### [Āu-kì]

Tân Pò-chhun (陳播春) Bòk-sū tī 1971 nī tùi Tāi-lâm Sîn-hák-ī<sup>n</sup> pit-giáp, bat tam-jīm Ka-gī tiong-hōe Sin-ùn Kàu-hōe, Koan-á-niá Kàu-hōe, Siū-san tiong-hōe Tek-seng kap Ngó-hok Kàu-hōe ê Bòk-su, kap Siū-san tiong-hōe tē 16 kài tiong-hōe Gī-tiú<sup>n</sup>. I tī 2004 nī 4 góeh chheh 6, 3 sí 25 hun in-ūi tōa-tng gâm ín-khí pāi-heh-chèng, kòe-sin tī Tāi-pak I-hák Tāi-hák Pē<sup>n</sup>-ī<sup>n</sup>.



## Hēng-lím Tím-su

### Chit-ê *Clerk* ê Sim-chēng Pit-kì

*KC Makatau*

Tāi-ôan i-liâu hoat-tián-sú sit-chāi sī Tāi-ôan hiān-tāi-sú ê sok-í<sup>n</sup>. Tùi bîn-siòk i-liâu, Hàn-i, kàu Se-i i-liâu ê bô-sek chóan-piàn, hián-chhut Tāi-ôan khai-hoat ê kha-jiah. Eng-kok Tiú<sup>n</sup>-lò Kàu-hōe ê i-liâu thòan-tō-chiá, chhin-chhiū<sup>n</sup> *Maxwell* chia̍h-ê gōa-kok i-su, in chiong lán Tāi-ôan siā-hōe chhe<sup>n</sup>-hūn koh pāi-kū ê Se-hong i-liâu tōa jip--lái. Tùi chia khai-sí, hiān-tāi i-hák khai-sí tī Tāi-ôan hoat-tián. Āu--lái Jit-pún ê *Goutou* (後藤) chēng-sek kiàn-lip Tāi-ôan i-liâu ê thé-chè kap i-hák kàu-iòk ê chho-hēng.

Tùi Hāng-hái sī-tāi ê Hô-lân kap Se-pan-gâ, chiong Tāi-ôan khò<sup>n</sup>-chòe hòa-gōa chi tē ê Chheng-tēng, kàu āu--lái Jit-pún tè-kek kap Kok-bîn-tóng liū-bōng chēng-kòan ê sit-bîn thóng-tī, Tāi-ôan it-tit bô hoat-tō pāi-thoat lék-sú ê pi-chēng kap sit-bîn ê ok-bāng. Chóng--sī tī bô-kāng sī-khong, bô-kāng chēng-kòan chi hā, Tāi-ôan-lâng i-su chiān-pòe tī jîn-bîn tui-kiū tók-lip, chìn-pō, kap hóan-khòng sit-bîn thóng-tī ê kòe-thēng tiong, in kòng-hián tì-hūi kap lék-liōng, bô chū-su lái hū-chhut tùi siā-hōe ê koan-hōai kap tùi Tāi-ôan ê ài. Tāi-ôan i-su poa<sup>n</sup>..ê put-chí sī i-su ê kak-sek, koh sī ū liōng-sim ê tì-sek hūn-chú kap siā-hōe léng-tō kai-chân ê kak-sek. In-ūi in “hā-i i jîn, siōng-i i kok” ê cheng-sin kap hi-seng, mā it-tit siū-tiòh jîn-bîn ê chun-kèng kap ài-tài. M̄-kú, chāi